

Mohd Amirul Kasyful Nur bin Zulkifli

From: UUM CORPORATE COMM.
Sent: 11 Julai 2021 15:04
To: UUM - All Staff; UUM - All Students
Subject: Pusat Islam Turun Padang Beri Sumbangan Kemanusiaan



UUM Corporate Comm.
Universiti Utara Malaysia

11 JULAI 2021 / 1 ZULHIJAH 1442H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Pusat Islam

PUSAT ISLAM TURUN PADANG BERI SUMBANGAN KEMANUSIAAN



UUM ONLINE: Ramai yang terkesan sejak penularan wabak Covid-19 sehingga ada di antara kita yang terputus sumber pendapatan, namun atas dasar kemanusiaan dan prihatin, Pusat Islam Universiti Utara Malaysia (UUM) telah turun padang menghulurkan sumbangan kepada penduduk kampung di sekitar Changlun, Hosba dan Jitra yang menerima tempias tersebut.

Dengan mengikut prosedur operasi standard (SOP) ditetapkan, pasukan Pusat Islam diketuai Pegawai Hal Ehwal Islam, Nor Azlinah Zaini bersama dua Pembantu Hal Ehwal Islam, Aus Korn Yahaya dan Syahril Fazli Mat Hussain menyantuni penduduk kampung terlibat menyampaikan barangan keperluan dapur sebagai tanda sokongan, sekali gus mengeratkan silaturahim.

Nor Azlinah berkata, ramai golongan yang kurang bernasib baik yang terkesan akibat pandemik Covid-19 hingga menjejaskan kehidupan seharian mereka termasuk kehilangan pekerjaan dan hilang punca pendapatan.

“Rasa prihatin ini mendorong warga Pusat Islam untuk bersama-sama membantu membuat kutipan derma untuk membeli barangan keperluan tersebut sebelum diserahkan kepada mereka yang memerlukan.

“Usaha ini turut membuka peluang kepada masyarakat untuk meringankan bebanan mereka yang terjejas sejak pelaksanaan Perintah Kawalan Pergerakan (PKP), terutamanya golongan B40 dan asnaf,” katanya.

Tambahnya lagi, pengagihan pek makanan dan bantuan kewangan diagihkan kepada golongan asnaf, fakir dan miskin, selain turut mengunjungi pondok pengajian antaranya Pondok Gajah Teriak, Pondok Tanjung Kapur dan Pondok Buluh Nipis.

Menurutnya, Pusat Islam sentiasa mengharapkan keprihatinan daripada masyarakat untuk terus menyalurkan sumbangan kepada mereka yang memerlukan terutamanya di waktu pandemik sekarang.

Katanya, semoga sumbangan ini dapat membantu kelangsungan hidup mereka yang terkesan akibat wabak Covid-19 sebagai tanda ingatan untuk menggembirakan hati mereka, sekali gus mendekatkan hubungan antara universiti dan masyarakat.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.